


Aruba Bank LTD lo sigui traha pa desarrollo di e futuro di e isla




Vivian Romano
Branch employee



Nicolaas Maduro
Branch employee



Bernadeta Figaroa
Noord Branch
manager



Carlos Dirksz
Noord Branch
Supervisor



Eveline C. Christiaans
Branch employee

ORANJESTAD(AAN) — Aruba Bank Ltd. ayera tardi a habri nan oficina nobo. Pa ser yama Aruba Bank Noord Branch.


E bunita banco nobo a worde construi den un estructura Arubano cu tur caracteristiconan di un cas di cunucu. E diseño aki a worde escogi pa asina e edificio nobo por forma parti di e bunita distrito di Noord cual ta creciendo rapidamente.

Aruba Bank Ltd. a habri su sucursal na Noord,

pasobra e filosofia di e compania ta pa no hiba nan servicio nan cliente, y asina nan lo sigui buscationan conviniente pa sigui facilita nan servicio na nan clientenan.

Aruba Bank Ltd., Aruba su promer banco, despues di 62 aña y mei ta parti di historia di Aruba, y continuamente ta trata ariba modanan pa sigui desaroya e futuro di e isla.

E sucursal nobo di Aruba Bank situa den



Lodewijk de Cuba
Eman Travel Bureau
Branch Manager

curazon di Noord, ta nan di septimo oficina na Aruba, cada uno cu su propio característica y proposito entre otro:

1. Nassaustraat 41 - Oficina principal sirbiendo negoshinan den Playa y tur nan empleadonan.
2. Zoutmanstraat 17 - Tambe situa na Playa, pero construi basta aña pasa pa facilita servicio bancario na tur esnan cu ta traha cu Gobierno.
3. Zeppenfeldstraat 38 - San Nicolas - cu un clientela grandi di San Nicolas y vecindario.
4. L.G. Smith Blvd. 108 - "Consumer Center" y cual alavez ta e oficina cu mas trafico comercial Den e Consumer Center ta situa Eman Travel Bureau, personal loan department, departamento di Visa/ Mastercard, caminda ta duna servicio na tur compania nan cu ta acepta e carchi y tambe nan ta "issue" e carchinan na e clientenan, departamento di asegurado, y un sucursal completo di e banco.

5. Sta. Cruz 52 - Actualmente bao di un completo renovacion. E oficina chikito aki ta hiba e servicio na e distrito Sta. Cruz.

6. Reina Beatrix Airport - cual oficina a worde habri primordialmente pa duna servicio na tur viaheronan. E oficina a resulta di ta asina exitoso cu orguyosamente tin di bisa cu nan lo bay expande e aña aki.

7. Y aowr, Noord 23-A Noord Aruba.

Pa hopi motibo bon conoci y documenta, e isla a concentra hopi ariba e desaroyo di e turismo durante e ultimo añanan. Den nan opinion e desaroyo aki lo continua y Noord lo crece hopi como un pueblo turistico. E ta un lugar ideal pa negoshinan y tambe un lugar logico pa e comerciantenan biba. Aruba Bank ta wak un desaroyo grandi pa Noord y Aruba bank kier sostene e desaroyo aki y tambe forma parti di dje.

E personal di e sucursal a pasa door di un training pa basta luna, y ta cla awor pa duna un servicio optimal na tur clientenan. E jefe di e sucursal ta Bernadeta Figaroa, kende cu su 20 aña di experiencia bancario ta sumamente cualifica. Manera nan a haci den pasado, e senior branch Manager lo supervisa tur e comienzo di e sucursal nobo.

Eman Travel Bureau tambe lo tin un sucursal den e sitio aki, y Sr. Lodewijk de Cuba lo ta e Travel Branch Manager.

E horario ta di Dialuna pa Diahuebs di 8.30 te cu 4'or di atardi, continuamente y Diabierna di 8.30 a.m. te cu 6'or di atardi, continuamente. Mesun horario cu nan Consumer Center.

E sucursal lo duna tur servicio bancario na tur cliente, incluso safe nan pa huur y "night depository". Tambe e sucursal lo tin un bentana special pa "drive-thru" pa facilita transaccionnan bancario pa tur cliente. E sucursal di Noord ta completamente computeriza y conecta directamente cu e oficina principal y tur otro sucursalan.


Aruba Bank Ltd. actualmente tin 140 empleado den su servicio, cual 30 di nan a drenta servicio den e ultimo 18 luna.

Aruba Bank Ltd. ta agradecido na su Excelencia Gobernador Felipito Tromp, kende oficialmente a inaugura e oficina. Tambe un palabra di danki a bay na Ir. Richard Eman pa su trabao y supervision na Henk Bijen y Albo Aruba pa nan trabao y na subcontratistanan Arubaanse Wegenbouw, Teerasha y Normak, y tur otro cu coopera di un of otro manera pa a duna Noord su Banco.



ARUBA BANK LTD.

Congratulations!



**TIP TOP
AGENCIES**



SUZUKI FRONTÉ

The small, smooth, automatic, airconditioned operator

arrived at:

CARIB MOTORS NV

L.G. Smith Boulevard 112

